

百靈衆真交會在此香火爐前當願臣學道
得道求仙得仙齊主獲福幽顯沾恩十方仙
童玉女接侍蘭煙傳臣向來所啓之言速達
徑御
至真無極大道

三清上聖

昊天玉皇上帝御前

出堂頌 出戶引至六幕

謝師

靈寶領教濟度金書卷之一百九十

靈寶領教濟度金書卷之一百九十一 拱十

洞微高士開光救苦真人曹全真授

靈寶通玄法教水南先生林靈真編

科儀立成品七曜齋用

午朝行道儀

法事陞壇如式

各禮師存念如法

宣衛靈呪

丹靈朱火炎霞激風 赤輪剛運 天光八衝

迸威包羅 交變萬方 流金豁落 群魔殲蹤

辟姦破坎 明耀元功 金符召制 躡雲乘龍

謠歌慶會 散花太空 神化冥運 四極安隆

伏御帝前 罔有不恭 和與道合真

鳴法鼓二十四通

無上三天玄元始三炁太上虛无道君當召

出臣等身中三五功曹左右官使者左右扶

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇天帝神君當召此間

土地方域神真巨令臨午行道燒香謹奏為

入憲其諸丹個具載狀文願得

太上十方正真道炁靈寶瑞光下降流入臣

身中令臣所落速達徑御

至真無極大道

三清上聖

昊天玉皇上帝御前

請稱法位

具位奉行七曜大齊法事小兆臣某與臨壇

官衆等謹同誠上啓

太上无極大道虛无自然元始天尊太上道

君太上老君无上玄元總監衆靈日官太陽

太丹炎光上道皇君月宮太陰黃華素曜上

真道君東方木德重華上真道君南方火德

熒惑上真道君西方金德太白金德上真道君北

方水德伺晨上真道君中央土德地侯上真

道君諸天星宿璇璣玉衡周天二十八宿三

百六十五度河漢星君星中大聖五老上真

玄中大法師三天大聖師五帝四司十方三

界玄虛應慮一切真靈巨闡一元肇運洪醜

該萬有之形三景開光隱顯配五行之化拱

紫樞於中極周赤界於外輪經張萬數以森
羅緯列七名而錯綜循環晝夜歷風澤以定
升沉來往西東配陰陽而分老少下權衡於
地紀上恭贊於天網昭一人福極之符權萬
姓皆機之兆凡丙聲於素悃必申錫於洪禧
臣等蹄涔卑職鮒輟餘生入室悠悠徒佩九
光之玉檢面墻凜凜莫明八會之金章心尚
滓於樊籠身慕棲於林壑織鳥飛迅自漸榆
景以驚神蟻磨旋環誓勉足勲而作聖凡伸
枝告查為闡聞

宣詞

按如詞旨備露丹忱臣聞奔景飛登控雲駢
而形神碧落晨芒抹御駘霞駟而步武紫霄
希夷保衛於瓊臺玄妙護藏於琅韞上乘道
蹟下教期遙惟况演消災龍漢發玉音之秘
而教敷延福鶴鳴彰金格之奇真風先襲於
寰區法雨爰滋於熱庶今齋主某仰瞻璇極
旁矚珠躡賦形既圓於鈞衡視復敢忘於爐
冶列卦候而分八節願沐瑤光歷春秋而備
四時期膺寶籙庶天報而泰定企人欲以咸

嘉庸輝燦葵藿之誠恭潔蓬茅之陋披翻藻爰
式按芝圖玉境三成蓮彩映銀篝之瑞瓊鐘
九奏蘭煙開金鼎之祥青鸞鼓舞於雲端丹
鶴翔飛於空際霓輪羽蓋觀流辰於獅頭翠
葆珠幢羅珮環於龍尾流精洞煥聖彩羅敷
階升喜際於天威祥開碧玉几奏觀於民
欲瑞映紫金拱十華妙有之尊儀中極虛无
之相天人蒙惠家國沾恩以今臨午陞壇行
道請法衆等運茲初檢上香
願此香煙騰空供養

太上無柱大道金闕至尊臣等皈身皈神皈
命首體投地仰依
太上三尊願以是功德上祝
皇帝陛下恭願儀璘並照覆載齊尊河漢楮
環注福源之有永璇璣統御齊壽址以无疆
八荒鼓舞於堯天四鄙謳歌於舜日椒庭發
禮恪著母儀規幢論思克殫臣道問難侍龍
樓之曉分符開鴈塞之春協景運於天長延
皇圖於地久今故燒香自皈依
師尊大聖衆至真之德得道之後保天長存

和與道合真
以今臨午陞壇行道請法衆等運茲二檢上
香
願此香煙騰空供養
三十六部等經玄穹上聖臣等皈身皈神皈
命首體投地仰依
太上三尊願以是功德皈流濟主某伏願景
星煥彩霏霧流輝福樹長春漱瓊泉而金花
耀日壽芽永茂酣玄液而玉藥敷霞慶紫闕
之風雲宴丹臺之日月一簾畫寂製和炁於
芝蘭萬宇春融蕩懽聲於素持衣冠富堆床
之芻詩書盈栴架之籤餘慶川增嘉祥雨集
今故燒香自皈依
師尊大聖衆至真之德得道之後昇入无形
和與道合真
以今臨午陞壇行道請法衆等運茲三檢上
香
願此香煙騰空供養
玄中大法師七曜皇君臣等皈身皈神皈命
首體投地仰依

和與道合真
以今臨午陞壇行道請法衆等運茲三檢上
香
願此香煙騰空供養
玄中大法師七曜皇君臣等皈身皈神皈命
首體投地仰依

101 2 3 4 5 6 7

太上三尊願以是功德皈流臣等師資同學
道俗周親山樓谷隱之賢釣月耕雲之侶並
願玄雲垂蔭敷雨涵濡心地開明登無為之
道岸性天穎悟超有漏之昏衢姓名先紀於
丹臺勳行早書於瑤圖黃庭偃月觀龍盤虎
繞之奇紫戶凝煙任免走鳥飛之迅等桑田
之變化詣蓬島以逍遙今故燒香自皈依
師尊大聖眾至真之德得道之後永保安寧
和與道合真

禮方 懺悔 命魔

步虛

控轡通十方 旋憇玄景阿 仰觀劫刃臺
俯眇紫雲羅 逍遙太上京 相與坐蓮花
積學為真人 恬然榮衛和 永享無期壽
萬椿美足多

又

大道師玄寂 升仙友无英 公子度靈符
太一捧洞章 舍利耀金姿 龍駕欲來迎
天尊眇雲輿 飄飄乘虛翔 香華若飛雲
紛謁茂玄梁 頭腦禮金闕 攜手朝玉京

又

騫樹素景圓 煥爛七寶林 天獸三百名
獅子巨萬尋 飛龍躡躡鳴 神鳳應節吟
靈風扇奇花 清香散人襟 自无高世才
焉能訖此心

三啓 三禮

重稱法位

具位奉行七曜大齋法事小兆臣某與臨壇
官眾等謹同誠上啓

太上无極大道虛無自然元始天尊太上道

君太上老君无上玄元總監眾靈日月兩曜

皇君木火土金水五行星君諸天星宿璇璣

玉衡周天二十八宿二百六十五度河漢星

君星中大聖五老上真玄中大法師三天大

聖師五帝四司十方三界玄虛應感一切真

靈臣開內垣開闔闔之闕萬靈統御外舍首

攝提之座七政經行察升降以考陽精驗疾

遲以定陰粹木金基布執規矩以贊天常水

火珠羅秉權衡而照帝載土表冲和之德光

騰溫潤之輝皆倚伏之无常而去留之靡定

具有餘烝厥號隱躡自羲和彰曆象之靈而

甘石詳步占之旨察其好惡分躡次之灾祥

體其遲留驗封疆之淑慝有得經失經之用

有正照傍照之殊爽爽天文昭昭人事今齋

主某天形道貌幸叨萬物之靈鬼責人非願

殄四時之兆若稽成歲詳考流年慮身命或

配於刑因而官福不臨於權貴慧宇拂洞微

之度獲捨掃竹羅之官或減福於戰垣或奮

威於怒地局宜起蒙格合與災匪縣帝造之

辨懷曷俾凡生之快樂爰德丹悃上和清都

冀垂有造之仁俯賜无違之祉降德音於七

元喉舌之府頌明詔於二微網紀之司五弱

七強進德星而注福二明三暗退感睢以除

災永消已往之殃雲集方來之慶春風庭院

精神永固於朝容秋月樓臺步武益扶於夜

烝涼入壺天之枕簟煖生福地之房櫺萬景

俱融一塵不立堂植忘憂之萱草庭培難老

之椿華榮簪紱於階蘭製綺綺統於洞濤隴畝

富桑麻之潤倉箱豐絲粟之藏文獻聲揚詩

書舉籍蒙直垂於采菲誓由賜於頌葵上願

圓蓋高澄方與靜晏三光朗耀二炁宣平未
彰同穎之祥麥黍兩岐之瑞烽柝无警戈革
不揚動植飛潛均遂生生之性龍仙人鬼普
離化之機凡在有情均霑无漏則上明
天尊大慈之化下副臣等懷禱之誠謹啓以
聞

發願

- 一願大道濟泊虛无安閑空寂澄清自居廣
開法門教導頑夫皆蒙惠澤精苦是修預
以同學善得升虛與天相保長存無憂
- 二願諸天結炁澄清高虛廣覆保真固靈氣
候調節四運和平國安民豐普天閣寧廣
濟一切惠速有生保劫長存億劫不傾
- 三願土地覆載无窮安平不陷海淪不崩保
鎮家國兆民興從養生安死惠同十方未
稼滋植管運日豐咸得厚載萬類皆從
- 四願日月二景高明无有字蝕虧盈安清光
照諸天洞洞暗冥保固劫運世祚和平普
加潤惠澤灑衆生
- 五願星辰與日齊光轉燭照耀胡映十方各

安其位經緯直行保鎮家國無有災傷四
海寧一普天興昌

- 六願四時隨節推遷景氣和調無有災患疫
毒消滅普天安平五穀豐熟國富民歡
- 七願浮雲結炁衆炁飛空高澄蔭覆玄玄隱
則無為散則彌天神仙同居結友衆真惠
流一切與國愛民普濟群生人同劫年
- 八願風雨流灑無窮普加施泄受其發揚萬
物滋生國儲民豐
- 九願五嶽各安其方巍巍包藏長為仙宮安
鎮國祚保天无終護度一切莫不仰宗
- 十願江海蕩蕩无極含容恢廓无細不植淵
奧柔惠潤加喘息天人獲慶年同劫石
- 十一願帝王國主日昌四鎮安睦兵革不揚
天人歌唱言應來翔敷敷濟濟威化揚揚
兆庶稱慶長樂未央
- 十二願壇飛蠢動已生未生成蒙安全普得
生成皆見元氣受陽之形草木菓林經冬
不零一切濟度靡不鮮榮

存神燒香

香官使者左右龍虎君侍香諸靈官當今臣
午朝行道之所自然生金液丹碧芝英百靈
衆真交會在此香火爐前當願臣學道得道
求仙得仙齋官蒙福幽顯沾恩十方仙童玉
女接侍蘭煙傳臣向來所啓之誠速達徑御
至真無極大道

三清上聖

吳天王皇上帝御前

出堂頌

出戶

引至六幕

謝師

靈寶領教濟度金書卷之一百九十一